

**SESIÓN EXTRAORDINARIA E URXENTE CELEBRADA POLO PLENO DO
CONCELLO O DÍA 20/OUTUBRO/2000**

SUMARIO

- 1.- DECLARACIÓN DA URXENCIA DA SESIÓN PLENARIA
- 2.- ESCRITO DA ASOCIACIÓN DE VECIÑOS DE CHAPELA S/ ADOPCIÓN DE MEDIDAS TRÁFICO RODADO E SEGURIDADE VIAL EN CHAPELA

Na Casa do Concello de Redondela, sendo as dezanove horas e trinta minutos do día vinte de outubro do ano dous mil, baixo a Presidencia D. XAIME REI BARREIRO, e a asistencia dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA. M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D^a. M^a. DEL CARMEN RODRÍGUEZ RIVAS, D. EMILIO SÁNCHEZ SANTORIO, D^a. AURORA ALONSO MONTEAGUDO, D. FRANCISCO ANTONIO LAGO MELÓN, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. PABLO REBANAL FERNÁNDEZ, D. XOSÉ CARLOS PAZOS DOCAMPO, D. XOSÉ LUIS GRANDE GRANDE e DONA. ÁNXELES GONZÁLEZ GÓMEZ, asistindo o Sr. Interventor, D. MODESTO SOLLA SANZ, actuando como Secretario o titular da Corporación D. LUÍS TORRADO VÁZQUEZ, constitúese o Pleno do Concello, en sesión extraordinaria, conforme á convocatoria e de acordo coa Orde do Día remitida a tódolos Sres/as Concelleiros/as, coa antelación legalmente requerida.

A Presidencia declara aberta a sesión en primeira convocatoria, procedéndose a trata-los puntos da Orde do Día.-

1.-DECLARACIÓN DA URXENCIA DA SESIÓN PLENARIA

Aberta a sesión pola Presidencia indícase que de conformidade co establecido nos artigos 46.2.b) da Lei 7/85 do 2 de abril, Reguladora das Bases de Réxime Local, modificada pola Lei 11/99 do 21 de abril, 210.2.b) da Lei 5/97 do 22 de xullo de Administración Local de Galicia e 79 do Regulamento de Organización, Funcionamento e Réxime Xurídico das Entidades Locais, faise preciso o pronunciamento do Pleno sobre a urxencia da convocatoria, para tratar o escrito da Asociación de veciños de Chapela de data 18 de outubro de 2000, sobre problemática do tráfico rodado e inseguridade vial na mencionada Parroquia.

Apreciada ésta o Concello Pleno, en votación ordinaria e por unanimidade dos/as Sres/as asistentes acordou ratifica-la urxencia da convocatoria.

2.-ESCRITO DA ASOCIACIÓN DE VECIÑOS DE CHAPELA S/ ADOPCIÓN



L. NUMERAD
PORACIÓN
LOCAIS

Serie A N.º 1175938

DE MEDIDAS TRÁFICO RODADO E SEGURIDADE VIAL EN CHAPELA

Coa debida autorización da Presidencia polo Concelleiro Sr. Pazos Docampo dase lectura a escrito de data 20 de outubro de 2000, en solicitude de adopción de acordo, que dí:

1º.- A instalación dun sinal semafórico manual no P.Q. 7.000 da EN-552, á altura do Centro de Saúde de Chapela.

2º.- Esixir ao Ministerio de Fomento a solución aos problemas de seguridade vial na Avenida de Redondela, tanto no acceso á Autoestrada, como no acceso ao colexio Alexandre Boveda en Angorén, e diante a construción de rotondas e a instalación dos correspondentes elementos de sinalización horizontal e vertical necesarios.

3º.- Esixir ao Ministerio de Fomento a eliminación da peaxe de Rande a Vigo na Autoestrada do Atlántico.

4º.- Esixir á Consellería de PTOP e V a instalación das medidas necesarias de sinalización e control na Avenida de Vigo, que garantan a seguridade de veciños e veciñas, así como a reposición dos equipos semafóricos existentes.

Pola Presidencia ábrese o correspondente turno de debate.

Concedida a palabra pola Presidencia polo Concelleiro Sr. Pazos Docampo, se sinala que a problemática da seguridade social e un tema vello que se grava polo aumento da poboación e o tráfico en Chapela.

Continúa a súa intervención o Concelleiro Sr. Pazos Docampo, sinalando que o equipo de goberno xa mantuvo unha reunión con veciños do barrio de xapón, proponendo unha serie de medidas que se recollen na súa proposta para que polo Ministerio de Fomento se inicien os estudos necesarios para conseguir a seguridade vial nesa parroquia según compromiso mantido en Pontevedra polo que fala e o Sr. Alcalde do Concello, co Subdelegado de Goberno, a Delegada de Tráfico e un representante do Ministerio de Fomento.

Concedida a palabra pola Presidencia polo Concelleiro Sr. Sánchez Santorio, polo mesmo considérase que a proposta do Concelleiro Sr. Pazos Docampo constitúe unha xugarreta política e mostra a súa disconformidade coa mesma, xa que o PP presentou a semana pasada unha proposta sobre este asunto que agora o equipo de goberno quere modificar, considerando a situación como vergonzosa e pide que se debata a moción do PP que foi a que propuxeron os veciños, estimando doutro xeito que a reparación dos semáforos, dos que hai facturas da mesma, corresponde ó Concello de Redondela.

Remata a súa intervención o citado Sr. Concelleiro Sánchez Santorio, manifestando que o equipo de goberno riése do PP e dos veciños, indicando que o Concelleiro Sr. Pazos Docampo é só o Concelleiro de Tráfico de Redondela pero non de Cesantes e Chapela.

Concedida a palabra pola Presidencia polo Concelleiro Sr. González Iglesias, sinalase que apoia a proposta do BNG e que a competencia nestes asuntos de problemas



NUMERADO
CORPORACIÓN
LOCAIS

de tráfico rodado e seguridade vial en Chapela corresponde ó Ministerio de Fomento con relación a rúa de Avda de Redondela e a COTOPV, respecto da rúa Avda de Vigo.

Continúa a súa intervención o Concelleiro Sr. González Iglesias, decindo que o Concello según compromiso puxo a funcionar o semáforo na Avda de Redondela, aínda que o mesmo é unha cuestión da competencia do Ministerio de Fomento, e o mesmo ocorre cos semáforos da Avda de Vigo, que son competencia da COTOPV e que o seu funcionamento sempre foi un desatre xa que estaban sempre en ambar.

Asimesmo polo Concelleiro Sr. González Iglesias sinálase que o Concello pola súa conta vai a montar un semáforo no Centro de Saúde tendo que conquerirse a correspondente actuación neste asunto do Ministerio de Fomento, indicando que o PP governa na Xunta e no Ministerio indicado como Organismo do Goberno Central e pídelle os Sres Concelleiros do PP que se dirixan a Xunta e o Goberno Central donde gobernan para a solución do problema.

Remata a súa intervención o citado Sr. Concelleiro González Iglesias, decindo que por este Concello se mandaron diversos escritos ó Ministerio de Fomento sen que se tivera contestación dos mesmos, e califica a actitude do Concelleiro do PP Sr. Sánchez Santorio como de demagóxica.

Concedida a palabra pola Presidencia polo Sr. Pazos Docampo, manifesta que a Seguridade Vial é un problema que hai que resolver xa, e deixa claro que a responsabilidade neste tema non é do Concello de Redondela aínda que o mesmo teña reparado ós semáforos así como que se puxo polo mesmo un semáforo novo aínda que non sea a súa obriga por non ser un asunto da súa competencia.

Continúa a súa intervención o Concelleiro Sr. Pazos Docampo, indicando que o próximo día 30 se pintará o paso de peóns no Centro de Saúde e de inmediato se colocará o semáforo e que polo que respecta o Colexio de Angorén o tema resulta máis complicado e necesita dun estudio.

Remata a súa intervención o citado Concelleiro Sr. Pazos Docampo, sinalando que se evitarían problemas coa eliminación do peaxe na autopista, aínda que lle consta que o ministerio é contrario a instalación de semáforos, xa que considera que relentizan o tráfico.

Concedida a palabra pola Presidencia polo Concelleiro Sr. Sánchez Santorio, polo mesmo sinálase que o PP non minte e dí que a conservación e mantemento dos semáforos en Chapela corresponde ó Concello de Redondela, pedíndo a presenza da Policía Local, e indicando que faran as xestións que se lle piden o PP respecto da Xunta e do Goberno Central, pero que debe dimitir o equipo de Goberno.

Remata a súa intervención o Concelleiro Sr. Sánchez Santorio, indicando que anterior Corporación do PP tiña un proxecto de instalación semafórica en Chapela.

Concedida a palabra pola Presidencia polo Concelleiro Sr. González Iglesias, dirixese ó Sr. Sánchez Santorio decíndolle que o PP lle ensine algún documento pedíndolle ó Ministerio de Fomento a consecución da seguridade vial en Chapela.

Continúa a súa intervención o Concelleiro Sr. González Iglesias, decindo que



NUMERA
PORACIÓN
LOCAIS

Serie A N.º 1175939

alégralle que houbera un proxecto de seguridade vial do PP correspondente a anterior Corporación, que foi tan criticada polos actuais Concelleiros do PP e que si é tan fácil poñer semáforos e Policía Local en Chapela, pregunta porque non ó fixeron nos tres anos que gobernou últimamente o PP no Concello de Redondela.

Remata a súa intervención o Concelleiro Sr. González Iglesias, sinalando que o asunto da competencia xa está neste tema suficientemente claro e que si o Concello non ten a competencia requirida é unha barbaridade que se lle pida a intervención do mesmo e dille os Sres Concelleiros do PP que se dediquen a presentar iniciativas porque sempre o fan a remolque.

O Pleno do Concello, por unanimidade dos/as Sres/as Concelleiros/as asistentes acorda prestarlle a súa aprobación a proposta formulada polo Concelleiro Sr. Pazos Docampo.

E, non habendo máis asuntos que tratar, pola Presidencia dase por rematada a presente sesión, sendo as vinte horas e dez minutos da data fixada no encabezamento, en proba de todo o que, se estende a presente Acta, que se inscribiu no Libro dende a volta do folio vintenove do Papel Timbrado da Comunidade Autónoma de Galicia, Serie A nº 1175937, ata o folio trinta e un, Serie A nº 1175939, de todo o que, como Secretario, DOU FE.-

O ALCALDE

O SECRETARIO

Asdo: Xaime Rei Barreiro

Asdo: Luís Torrado Vázquez

L. NUMERADO
PORACIONES
LOCAIS